



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՓԱՍՏԱԲԱՆՆԵՐԻ ՊԱԼԱՏԻ
ՆԱԽԱԳԱՀԻ ՈՐՈՇՈՒՄ**

**ՀԱՎԱՏԱՐՄԱԳՐՎԵԼ ՑԱՆԿԱՑՈՂ ՀԱՍՏԱՏՈՒԹՅՈՒՆՆԵՐԻ ԿՈՂՄԻՑ
ՆԵՐԿԱՅԱՑՎՈՂ ՀԱՎԱՏԱԳՐԻ ԵՎ ՀԱՎԱՏԱՐՄԱԳՐՎԱԾ
ՀԱՍՏԱՏՈՒԹՅՈՒՆՆԵՐԻ ԿՈՂՄԻՑ ՆԵՐԿԱՅԱՑՎՈՂ ՏԵՂԵԿԱՆՔԻ ՁԵՎԸ ԵՎ
ԲՈՎԱՆԴԱԿՈՒԹՅՈՒՆԸ ՍԱՀՄԱՆԵԼՈՒ ՄԱՍԻՆ**

Ղեկավարվելով «Փաստաբանության մասին» Հայաստանի Հանրապետության օրենքի 13-րդ հոդվածի և Հայաստանի Հանրապետության փաստաբանների պալատի (**այսուհետ՝ Պալատ**) խորհրդի 05.02.2013թ. 3/7-Լ որոշմամբ հաստատված «Փաստաբանների վերապատրաստում իրականացնող հաստատությունների հավատարմագրման կարգ»-ի 2.2 և 3.4 կետերի պահանջներով,

հաշվի առնելով փաստաբաններին վերապատրաստել ցանկացող հաստատությունների (կազմակերպությունների) կողմից Պալատին ներկայացվող հավաստագրի, ինչպես նաև հավատարմագրված հաստատությունների (կազմակերպությունների) կողմից Պալատին ներկայացվող տեղեկանքի ձևը սահմանելու անհրաժեշտությունը՝

Ո Ր Ո Շ Ե Ց Ի՝

- սահմանել փաստաբանների վերապատրաստում իրականացնելու համար հավատարմագրվել ցանկացող հաստատությունների (կազմակերպությունների) կողմից Պալատին ներկայացվող հավաստագրի ձևը և բովանդակությունը համաձայն հավելված 1-ի:

- սահմանել հավատարմագրված հաստատությունների (կազմակերպությունների) կողմից Պալատին վերապատրաստված փաստաբանների վերաբերյալ ներկայացվող տեղեկանքի ձևը և բովանդակությունը համաձայն հավելված 2-ի:

Հայաստանի Հանրապետության
փաստաբանների պալատի նախագահ՝

Արա Զոհրաբյան

24 մարտի 2014թ.
թիվ 122-Լ
ք.Երևան

(կազմակերպության կամ հաստատության անվանումը)

(կազմակերպության անունից հանդես եկող անձի անունը, ազգանունը,
պաշտոնը)

(կազմակերպության կամ հաստատության հասցեն, ՀՎՀՀ-ն,
իրավաբանական անձի պետական գրանցման համարը)

(կազմակերպության կամ հաստատության հասցեն և հեռախոսը)

« _____ 201__թ.

ՀԱՎԱՍՏԱԳԻՐ

Սույն հավաստագրով _____ը (այսուհետ՝ Հաստատություն) հավաստում է, որ փաստաբաններին վերապատրաստելու հավատարմագիր ստանալու դեպքում փաստաբանների վերապատրաստումն իրականացնելու է ՀՀ փաստաբանների պալատի նախագահի որոշումներով հաստատված թեմաների շրջանակում և վերջինիս հաստատած չափանիշներին համապատասխանող դասավանդողների միջոցով:

Սույնով Հաստատությունը հաստատում է, որ ունի (սեփականության կամ օգտագործման իրավունքով) վերապատրաստում իրականացնելու համար անհրաժեշտ տարածք և տեխնիկա:

Հաստատությունը պարտավորվում է յուրաքանչյուր ամսվա համար մինչև հաջորդ ամսվա տասը ՀՀ փաստաբանների պալատին ներկայացնել վերապատրաստված փաստաբանների վերաբերյալ տեղեկանք՝ առանձին նշելով վերապատրաստման թեմաները, դասավանդողներին և ժամաքանակը:

Հաստատությունը համաձայնվում է կատարել ՀՀ փաստաբանների պալատի կողմից վերապատրաստման վերաբերյալ ընդունվող բոլոր ներքին իրավական ակտերի պահանջները:

պաշտոն, անուն, ազգանուն, ստորագրություն, կնիք